

JU Prva gimnazija, Gimnazijska broj 3, 71000 Sarajevo, Identifikacioni broj: 4200288310002, (u daljem tekstu: Kupac), koju zastupa direktor Lejla Tuzlak i

R&S d.o.o. Sarajevo, Igmanska bb, Vogošća, ID broj: 4200056290005, (u daljem tekstu: Prodavac) koga zastupa: direktor Kemal Selmanagić,

zaključili su

KUPOPRODAJNI UGOVOR

Član 1.

Predmet Ugovora je kupoprodaja stolica, po Specifikacija stolica u skladu sa kvalitetom naznačenim u Aneksu 2 tenderske dokumentacije broj: 06-2-110-1153/19.

Član 2.

Cijena nabavke stolica iznosi 5.991,57 KM, sa uračunatim PDV-om, na paritetu JU Prva gimnazija, Gimnazijska broj 3, isporučeno i montirano (za opremu koju je potrebno montirati), u skladu sa ponuđenom cijenom iz Obrasca za cijenu ponde iz Aneksa 3 tenderske dokumentacije.

Cijena je fiksna i ne podliježe nikakvim promjenama za vrijeme trajanja Ugovora.

Član 3.

Uplatu ukupne vrijednosti isporučene opreme u skladu sa zaključenim ugovorom izvršit će Ministarstvo za obrazovanje, nauku i mlade Kantona Sarajevo u roku od 30 dana od dana isporuke i montaže kompletne količine opreme traženog kvaliteta. Prodavac opreme je saglasan da Kupcu neće zaračunavati zatezne kamate za zakašnjenje pri plaćanju preko "Trezora", ako je Kupac u ugovorenom roku predao nalog za plaćanje, a Prodavac primio uplatu s odgodom od jednog ili više dana od ugovorenog roka iz stava 2. ovog člana.

Član 4.

Prodavac se obavezuje da će stolice iz člana 1. ovog Ugovora, isporučiti i montirati u roku od 20 (dvadeset) dana od dana potpisivanja Ugovora.

Član 5.

Ugovoreni rok isporuke utvrđen u članu 4. ovog Ugovora, može se produžiti u slučaju:

- nastanka više sile ili drugih promijenjenih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

U slučaju da nastupi viša sila ili druge promijenjenije okolnosti koje Prodavac nije mogao predvidjeti, Prodavac je dužan o istom odmah obavijestiti Kupca.

Član 6.

Prodavac se obavezuje da će ugovorene obaveze izvršiti blagovremeno, u ugovorenom roku, stručno i kvalitetno, sve prema dostavljenoj Ponudi.

Član 7.

Prodavac se obavezuje da će prilikom primopredaje opreme iz člana 1. ovog Ugovora Kupcu predati svu potrebnu dokumentaciju koja prati opremu, naznačenu u Specifikaciji stolica, iz Aneksa 2. tenderske dokumentacije.

Član 8.

U slučaju kašnjenja u isporuci opreme, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Razlog za raskid Ugovora može biti stečaj, likvidacija ili drugi oblik prestanka postojanja Prodavca ili više sile.

Član 9.

Kupac je dužan pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim ugovorom.

Član 10.

Ugovorne strane su dužne u roku od 5 dana obavijestiti drugu stranu o nastupanju razloga zbog kojih se ne može realizovati ovaj Ugovor.

Član 11.

Ovaj Ugovor će biti implementiran u skladu sa svim utvrđenim uslovima iz tenderske dokumentacije, uključujući i dodatke (Aneксе) koji čine integralni dio Ugovora.

Član 12.

Na odnose između ugovornih strana koji nisu uređeni ovim Ugovorom primjenjuju se odredbe Zakona o obligacionim odnosima Bosne i Hercegovine.

Član 13.

Ugovorne strane su saglasne da eventualne sporove u vezi ovog Ugovora rješavaju dogovorom, u protivnom nadležan je sud u Sarajevu.
Ovaj ugovor je sačinjen u 6 (šest) istovjetnih primjera, od kojih svaka ugovorna strana zadržava po tri primjerka.

Član 14.

Ugovor stupa na snagu danom potpisivanja ugovornih strana.

R&S d.o.o. Sarajevo (Prodavac)

Kadun Dalib

DIREKTOR, KEMAL BELMAHABIC
EC

Broj: 525/2019

Datum: 21.10.2019



IU Prva gimnazija Sarajevo (Kupac)



Lejla Tuzlak

Direktor Lejla Tuzlak

Broj: 02-9-47-1277/19

Datum: 17.10.2019. godine